



TOSHKENT DAVLAT YURIDIK UNIVERSITETI REKTORINING B U Y R U G ' I

09.01.2025

16-tm-son

Talabalar safidan chetlatish to'g'risida

Bugungi kunda Toshkent davlat yuridik universitetida (bundan buyon matnda TDYU deb yuritiladi) yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan TDYU faoliyati haqida noto'g'ri munosabat, fikr-mulohaza shakllanishiga, TDYU obro'siga, yaratilayotgan ochiq-oshkoralik siyosatiga zarar yetkazadigan qasddan harakatlar qilinib, TDYU Odob-axloq kodeksi va boshqa ichki tartib qoidalarini buzish holatlari kuzatilmoqda.

Xususan, Xalqaro huquq va qiyosiy huquqshunoslik fakulteti 1-kurs talabasi Tursunboyev Elmurod Erkin o'g'li quyidagi TDYU talabalaridan: G'.Naqibboyevdan 100 ming so'm, L.Doniyorovdan 350 ming so'm, S.Yuldashevdan 65 ming so'm, D.Safarovdan 50 ming so'm, J.Nabiyevdan 200 ming so'm, J.Bobomurodovdan 65 ming so'm, M.Mo'minovdan 100 ming, N.Muxtorovdan 100 ming so'm va A.Yusupovdan 200 ming so'm miqdoridagi pullarni olib, har xil bahonalar bilan o'z vaqtida qaytarmaganligi uchun TDYU rektorining 2024-yil 20-fevraldagi 99-tm-son buyrug'i bilan hayfsan intizomiy jazosi qo'llanilgan.

Bundan tashqari E.Tursunboyev yana boshqa TDYU talabalarining pullarini olganligi aniqlangan. Xususan, E.Tursunboyev 2024-yil 28-yanvar kuni talaba Z.Eshquvvatovdan o'zining plastik kartasiga 50 ming so'm o'tkazdirib olib, qaytarib bermagan. Shuningdek, E.Tursunboyev 2024-yil 19-fevral kuni talaba Sh.Bo'riboyevdan naqd berishni va'da qilib, 150 ming so'm plastik kartasidan pulini olgan va qaytarmagan.

2024-yil 14-fevral va 2024-yil 22-fevralda talaba E.Tursunboyev, uning

otasi E.Maxamatov va onasi M.Maxamatovalarning ishtirokida dalolatnoma tuzilib, talaba E.Tursunboyev harakatlari bo'yicha tushuntirish ishlari olib borilib, takroran sodir etilganda talabalar safidan chetlashtirilishi to'g'risida ogohlantirilishiga qaramasdan talaba E.Tursunboyev 2024-yil 23-fevral kuni talaba A.Samatovdan plastik kartasiga o'tkazib berishini aytib, uning naqd 50 ming so'm pulini olgan hamda mazkur pullarni qaytarib bermagan.

Bundan tashqari, talaba E.Tursunboyev tegishli xulosa chiqarmasdan 2024-yil 27-mart kuni Jinoiy odil sudlov fakulteti 2-kurs talabasi Z.Mardonovdan naqd 100 ming so'm pul bersa universitet binosiga kirib akasidan 3 daqiqada plastik kartasiga tashlab berishni va'da qilib, 100 ming so'm pulni naqd olib qaytarib bermagan. E.Tursunboyev bergan telegramiga talaba Z.Mardonov "salom pul tashamadizmi" deb yozishi bilan uni bloklab qo'ygan.

E.Tursunboyevning mazkur xarakatlari uchun TDYU rektorining 2024-yil 4-apreldagi 221-tm-son buyrug'i bilan 2-marotaba hayfsan intizomiy jazosi qo'llanilgan.

E.Tursunboyev o'ziga tegishli xulosa chiqarmasdan 2024-yil 5-dekabr kuni soat taxminan 15:30 larda TDYU 3-binosida joylashgan Talabalar assotsiatsiyasi xonasida unga tanish bo'lgan O.Tojiboyev ismli talabaning stol ustida turgan kurtkasining cho'ntagining zamogini ochgan holda bir juft airpodsni (simsiz quloqchin) xonada hech kim yo'qligidan foydalanib, olib qo'ygan.

Bundan tashqari, E.Tursunboyev kursdoshi J.Askarovning Toshkent shahri Sergeli tumani 7A-mavzesi Shokir ariq ko'chasi 13-uy 36-ijara xonadonida 2024-yil 7-8-dekabr kunlari vaqtincha bo'lgan. Ushbu xonadonda ijarada yashovchi talabalarning kiyimlarini (bir juft oyoq kiyim, 1 dona shim va 1 dona kurtka) o'zlariga bildirmasdan olib ketib, qaytarib bermagan.

Talaba E.Tursunboyev o'z tushuntirish xatlarida yuqorida qayd etilgan nojo'ya xatti-harakatlarni sodir etganligini qayd etgan.

Talaba E.Tursunboyev mazkur takroran harakatlari bilan TDYU Odob-axloq kodeksi 17-moddasining 1-qismi birinchi xatboshisi (har qanday huquqbuzarlik yoki jinoyat sodir etish), beshinchi xatboshisi (xodim, talaba va doktorantlarga jismoniy, ma'naviy yoki moddiy zarar yetkazish) va oltinchi xatboshisi (xodim, talaba, doktorant yoki boshqa shaxslarning mulkiga, moddiy qimmatliklariga egalik qilish, foydalanish yoki tasarruf etish uchun turli ko'rinishda egallab olish, basharti ushbu holat tegishli asoslar bilan o'z tasdig'ini topsa) talablarini buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan "Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risida"gi nizomning 36-bandi "g" kichik bandi, O'zbekiston Respublikasi Vazirlar Mahkamasining 2021-yil 10-iyundagi

359-son qarori bilan tasdiqlangan “Toshkent davlat yuridik universitetida ta’limning kredit-modul tizimida o’quv jarayonini tashkil etish tartibi to’g’risida”gi Nizomning 43-bandini to’rtinchi xatboshisi, Oliy ta’lim to’g’risidagi nizomning (ro’yxat raqami 1222, 2003-yil 22-fevral) 51-bandini, TDYU Odob-axloq kodeksining 17-moddasining 1-qismi birinchi, beshinchi va oltinchi xatboshisi, TDYUning Ichki tartib qoidalarini 83-bandini hamda TDYU Odob-axloq komissiyasining 2025-yil 4-yanvardagi 43-son yig’ilish bayoniga muvofiq,

BUYURAMAN:

1. Toshkent davlat yuridik universiteti Odob-axloq komissiyasining 2025-yil 4-yanvardagi 43-son yig’ilish bayoni ma’lumot va ijro uchun qabul qilinsin.

2. Toshkent davlat yuridik universiteti Odob-axloq kodeksi 17-moddasi 1-qismining birinchi, beshinchi va oltinchi xatboshisi talablarini takroran buzganligi uchun Xalqaro huquq va qiyosiy huquqshunoslik fakulteti 1-kurs talabasi Tursunboyev Elmurod Erkin o’g’li talabalar safidan chetlashtirilsin.

3. Xalqaro huquq va qiyosiy huquqshunoslik fakulteti 1-kurs talabasi Tursunboyev Elmurod Erkin o’g’li TDYU rektorining 2024-yil 5-noyabrdagi 762-tm-son buyrug’iga muvofiq 2-kursdan 1-kursga 9 ta fandan qarzidor sifatida qoldirilgan bo’lib, 2024-2025 o’quv yili 1-semestrida Yuristlar uchun ingliz tili, Davlat va huquq nazariyasi, Huquqiy axborot texnologiyalari va Davlat tilida ish yuritish fanlaridan dars mashg’ulotlariga 2024-yilning 5-noyabridan 2024-yilning 20-dekabriga qadar qatnashganligi hamda mazkur fanlardan yakuniy nazorat imtihonlariga qatnashmaganligi ma’lumot uchun qabul qilinsin.

4. Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov):

mazkur buyruq mazmun-mohiyatini talabalar e’tiboriga dekanlar boshchiligida yetkazilishi va keng muhokama qilinishini ta’minlasin;

talabalarga Odob-axloq kodeksi talablariga rioya etish, belgilangan tartiblarga amal qilishlarini atroflicha tushuntirish choralari ko’rsin.

5. Xalqaro huquq va qiyosiy huquqshunoslik fakulteti dekani (D.Umarxanova):

ushbu buyruq bilan mazkur talabani tanishtirsin;

mazkur talabaning shaxsiy hujjatlar yig’majildiga buyruq nusxasi tikilishini ta’minlasin.

6. Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



Kelishildi:

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV



Bosh buxgalter

M.PARPIYEV



Bo'lim boshlig'i

I.RO'ZIBAYEV

